

國學基本叢書
後漢書補注

四

書叢本基學國

注補書漢後

(四)

撰棟惠

行發館書印務商

後漢書補注卷第十八

儒林列傳第六十九上

劉昆 注丹 任安 楊政 張興 戴憑 孫期 歐陽歙

牟長 宋登 張馴 尹敏 周防 孔僖 楊倫

齊魯韓毛

柯焯曰。顧炎武云。衍一毛字。此時毛詩未得立也。且如此乃十五博士。非十四矣。在詩云。廣以百官志。

博士果十四人。詩三家齊魯韓氏。應氏。漢官儀竝同。

委它

委它卽委蛇也。它音徒河反。

圓橋門

鄭氏詩箋曰。辟離者。築土離水之外。圓如壁。四方來觀者均也。孔穎達曰。辟離之宮。內有館舍。外無牆

院。故得圓門觀之也。

匈奴亦遣子入學

樊華傳曰。匈奴遣伊秩皆王大車且渠來入就學。

倚席不講。

注見樊準傳。

員各十人。

摯虞決疑要注曰。漢初治博士而無弟子。後治弟子十五人。又增滿五百。漢末至五千人。與博士習禮儀。胡廣漢官儀解詁曰。順帝時學生二百人。

爲古文篆隸三體。

趙明誠曰。稱爲古文篆隸三體者。非也。蓋邕所書乃八分。而三體石經。乃魏時所建也。載之二千餘兩。

風俗通曰。載素簡紙凡二千兩。

注。說文曰。滕。囊也。

說文曰。簠。囊也。今鹽官三斛爲一簠。一作簠。居僊反。

復弃其半。

風俗通曰。於道遇雨。分半投棄。

莫不泯盡焉。

自初光武以下至此。皆見應劭風俗通也。

劉昆。

論衡作琨。

少習容禮。

惠學士曰。古者有容禮。有容臺。容其儀。臺其地也。帝癸三年殷容臺。說者以爲夏桀之時容臺振。振之言震。蓋人而無禮。天必弃之。故曰振。而和容主賓客之官。晉羊舌大夫之爲和容也。溫良而好禮。博聞而時出。則可謂無曠其官者矣。漢天下郡國有容史。卽春秋之和容。魯徐生善爲容。後有張氏亦善焉。郡國容史皆詣魯學之。子孫相傳以爲家法。然皆不能通經。徒習其儀而已。世居禮官。不替其業。亦有所長。非苟焉者。及其蔽也。槃辟雅拜。詭衆立異。褻衣大袂。舒緩養名。齊魯之間。遂成風俗。然灑埽應對進退之禮。少而習焉。長而安焉。儀容辭令。其節似小。而大行人以之同邦國。親諸侯。擯相之儀。不朝夕。孟僖所病未能者。不可以不學也。季孫之喪。哀公往弔。曾子子貢入廡修容。闔人辟之。卿大夫皆辟位。公降一等而揖之。蓋有德必有容。見其容知其德也。故曰盡飾之道。斯其行者遠矣。

戴賓。

前書施讎授張禹。禹授戴崇子平。賓蓋崇之後也。

雅琴。

劉向別錄曰。龍氏雅琴百六篇。師氏八篇。趙氏七篇。劉歆七略曰。雅琴。琴之言禁也。雅之言正也。君子

守正以自禁也。

清角。

雅琴中有少宮清角諸聲也。管子曰。凡聽角。如雉登木以鳴。音疾以清。許慎淮南子注曰。清角絃急。其聲清也。王允曰。白雪與清角同曲而異名。清角木音也。

以素木瓠葉爲俎豆。

東觀記曰。以素木剝瓠葉爲俎豆。

以射菟首。

歌菟首之詩以爲節也。瓠葉言菟首者。三家詩有異同也。

偶然耳。

論衡以爲光武之言。與此異。

子軼。

東觀記。儒林傳。作軼字君久。

爲太子中庶子。

東觀記曰。以中庶子入侍講。

注丹。

孫恂曰。注又音哇。

鮭陽鴻。

鮭。孫恂音圭。從魚圭。

教授諸生。

華陽國志曰。安弟子杜微。何宗。杜瓊。皆名士至卿佐。

稱疾不就。

高士傳曰。安不營名利。時人稱安曰任孔子。連辟不就。建安中。讀史記魯連傳。歎曰。性以潔白爲治。情以得志爲樂。性治情得。體道而不憂。彼弃我取。與時而無爭。遂終身不仕。時人號曰任徵君云。

州牧劉焉表薦之。

益部耆舊傳曰。焉表薦安。味精道度。厲節高邈。揆其器量。國之元寶。宜處弼疑之輔。以消非常之咎。玄纁之禮。所宜招命。

受梁丘易。

經典序錄曰。傳孟氏易。

說經鏗鏗。

東觀記曰。政治梁丘易。與京兆祁聖元同好。俱名善說經書。京師號曰說經鏗鏗。楊子行。論難僭僭。祁

聖元。僭音番。

政乃肉袒。

案東觀記。時升爲太常丞。

乞楊生師。

穀梁傳曰。乞重辭也。何重焉。重人之死也。案注。氣當作气。气。句也。

把臂責之。

東觀記曰。武稱疾見政。對几據牀臥。欲令政拜牀下。政入戶。前排武。徑上牀坐武帳。語言不懌。政因把

武臂責之。

字仲虓。

經典序錄。虓作奇。

注。名勝。

據博物志也。

三家皆立博士。

劉歆七略曰。尙書直言也。始歐陽氏先名之。大夏侯小夏侯復立於學官。三家之學。於今傳之。徐堅曰。伏生爲尙書傳四十一篇。歐陽大小夏侯傳其學。各有能名。是曰今文尙書。劉向五行傳。蔡邕勒石經。

皆其本。

傳古文尙書。

前書曰。孔氏有古文尙書。孔安國以今文讀之。因以起其家逸書。得十餘篇。蓋尙書茲多於是矣。馬融曰。逸十六篇。絕無師說。謂舜典。汨作。九共。大禹謨。益稷。五子之歌。胤征。湯誥。咸有一德。典寶。伊訓。肆命。原命。武成。旅獒。問命。

歐陽歙。

歐陽氏譜曰。歐陽欽。字子敬。生三子。曰容。曰述。曰興。同受業於伏生。容爲博士。生子曰巨。巨生遠。遠生高。高生仲仁。仲仁生地餘。地餘生政。政生歙。歐陽修曰。漢氏以歙爲和伯八世孫。今譜無生而有容。疑漢世所謂歐生者。以其經師謂之生。如伏生之類。而其實名容。容字和伯。於義爲通。

八世皆爲博士。

東觀記曰。其先和伯從伏生受尙書。傳至於歙。七世皆爲博士。與傳異也。

政稱異迹。

東觀記曰。吏民從化。

守闕。

王幼學曰。守去聲。詣也。

髡剔。

王幼學曰。自爲刑人狀。以示必獲罪也。大人曰髡。小兒曰髻。盡及身毛曰剔。高獲傳曰。獲冠鐵冠帶鐵鎖詣闕請歎。

禮震。

孫慤曰。禮姓。左傳有衛大夫禮孔。棟案。論衡有會稽都尉禮文伯。後遷東萊太守。門徒三千人。

拾遺記曰。曾家財巨億。學徒貧者皆給食。天下名書。上古以來。文篆譌落者。曾皆刊正。垂萬餘卷。及國難旣夷。收天下遺書於曾家。連車繼軌。踰於王府。諸弟子於門外立祠。謂曰曾師祠。及亂世家焚廬。曾慮先文湮沒。乃積石爲倉以藏書。故謂曹氏爲書倉。坐墾田不實免。

案東觀記云。長建武中。嘗拜少府。詔曰。少府大儒。不失法度。其見優如此。傳略不載也。俗號爲牟氏章句。

何焯曰。不足以自名家。故云俗號爲牟氏也。復徵爲中散大夫。

案東觀記。建武十四年徵也。

張馴。

馴一作訓。古文通。

甚見納異。

謝承書曰。馴儒雅敏達有智慧也。

後受古文。

陸德明案漢記敏本傳。以爲孔鮒所藏古文。

陳洪範消災之術。

伏生洪範五行傳曰。維王后元祀。帝令大禹步于上帝。維時洪祀六沴。用咎于下。是用知不畏。而神之怒。若六沴作見。若是共御。帝用不差。神則不怒。五福乃降。用章于下。若六沴作見。若不共御。六伐既侵。六極其下。敏疏引此傳曰。明供御則天報之福。不供御則禍災至。欲尊六事之體。則貌言視聽思心之用。合六事之揆。以致乎太平。而消除輻輳孽害。見續漢書也。五行傳又曰。維五位復建辟厥沴。鄭氏注曰。君失五事。則五行相沴違其位。復立之者。明其變異。則改過以共禦之。又必齋肅祭祀以撫其神。則凶咎除矣。

其中多近鄙別字。

袁宏紀載敏語曰。其中多近語。以字取類。何焯曰。如以劉爲卯金刀。貨泉爲白水真人。皆別字之徵也。

夜分不寢。

分半也。東觀記曰：每相遇與談，常屏案不食，晝則至暝，夜則徹旦。彪曰：相與久語，爲俗人所怪。然鍾子期死，伯牙破琴，曷爲陶陶哉？

敏坐繫免官。

續漢書載敏爲長陵令，以縣倉漏三所自免，與此異也。

瘖聾。

穀梁傳曰：上泄則下闇，下闇則上聾。且闇且聾，無以相通。安溪李殿學曰：闇猶暗也。

父揚少孤微。

何焯曰：周總傳云：自總曾祖父揚至總孫恂，六世知名，則揚亦常顯名，史略之耳。

字仲和。

連叢子作子和。

毛詩。

閻若璩曰：此毛字疑衍。安國未聞受毛詩，當是魯詩之譌。不然，或孔僖以上有別受毛詩，因傳安國古文尚書，因連類以及之耶？

子建。

發書。連叢子曰。子建生子仁。子仁生子豐。子豐生子。和。子建以下皆字也。傳逸其名。

發。袁宏紀作廢。發讀爲廢也。

劉攽曰。畫龍古語。皆云畫虎。

王懋曰。章懷避唐諱。非誤也。

儂和。

曲禮曰。長者不及無儂言。鄭氏曰。儂猶暫也。非類雜駟僖相與言。而郁離錯其說。故云儂和。案袁宏紀作遙和也。

受訊。

胡三省曰。受訊。謂受鞠問也。

天下所具也。

胡三省曰。謂天下之人所具知也。袁宏紀曰。天下所共見也。

因自陳謝。

連叢子曰。子和自陳曰。臣草莽所蔽。才非幹時。行非絕倫。託備先聖嗣。世名學家。陛下謬加拔擢。徵臣蘭臺令史。會值車駕東巡。先禮聖師。猥以餘福。惠及臣宗。誠非碎首所能報謝。

冬拜臨晉令。

連叢子曰。其年十二月。

卒官。

連叢子曰。之官三年。秋八月。天子巡后土。登龍門。子和自請從行在所。天子識其狀貌。燕見移時。賜帛十端。還而九月。既望。寢疾不瘳。

並十餘歲。

連叢子曰。長彥年十有二。季彥年十歲。

遂留華陰。

連叢子曰。汝南許君然造其宅。勸使歸魯。奉車二乘曰。以孫就祖。於禮爲得。答曰。若以死有知也。祖猶有鄰宗族。父獨留此。不以劇乎。吾以定矣。遂還其車。

長彥好章句學。季彥守其家業。

連叢子曰。長彥顏隨時爲今學。季彥壹其家業。兼修史漢。不好諸家之書。孔大夫昱謂季彥曰。今朝廷以下四海之內。皆爲章句內學。而君獨治古義。治古義則不能不非章句。非章句內學。則危身之道也。棟謂以圖讖說經。謂之章句內學。何休之于公羊。鄭玄之于三禮。是也。光武信圖讖。故四海之內。皆爲內學。方術傳曰。光武信讖。士之赴趣時宜者。皆爭談之。自是習爲內學。尙奇文。貴異數。不乏於時。章懷

注曰。共事祕密。故稱內。

門徒數百人。

連叢子曰。時人爲之語曰。魯國孔氏好讀經。兄弟講論皆可聽。學士來者有聲名。不過孔氏那得成。

延光元年。河西大雨雹。大者如斗。

連叢子曰。永初二年。案續志。永初二年。延光元年。皆有雨雹事。而劉昭據東觀記。尹敏傳。有孔季彥對安帝語。亦在延光元年。則連叢所載爲譌也。

舉孝廉不就。

連叢子曰。下邳長孫子逸爲魯相。舉季彥孝廉。固辭不就。會遭兄憂。遂止于家。

年四十七。

連叢子。年四十有九。延光三年十一月丁丑卒。

孔均。

世系曰。關內侯福生。房。房生均。字長平。前書作鈞。

永元四年徙封褒亭侯。

洪适曰。韓勅碑有褒成侯孔建壽。卽損也。疑損未嘗徙封。傳之誤耳。碑永壽二年立。距永元六十五年。棟案。肅宗元和二年東巡。賜損鎔帛。至桓帝永壽二年爲七十二年。則建壽非損明矣。徙封之說。范必

有據未可非也。

子曜。

韓勅碑陰曰。曜字仲雅。孔氏譜曰。曜爲孔子十九世孫也。

子完嗣。

世系曰。完無子。以弟子魏奉議郎羨爲嗣。

注。崇聖侯。

魏修孔子廟碑曰。黃初元年。命孔子廿一世孫議郎孔羨爲宗聖侯。注作崇誤。魏志云。黃初二年亦誤。

注。二十七葉孫乘。

世系曰。羨生太常卿黃門侍郎震。震生嶷。嶷生豫章太守撫。撫生從事中郎懿。懿生宋崇聖侯鮮。鮮生

後魏崇聖大夫乘。

特徵博士。

案楊震傳及注。震薦明經名士楊倫五人。各從家拜博士也。

尙書奏倫探知密事。

周禮。邦汭。鄭衆注曰。斟酌盜取國家密事。若今時刺探尙書事。韓演坐從兄季朝刺探尙書法車徵。是也。

扶風杜陵傳古文尙書。

林所傳漆書卽孔壁中書也。

儒林列傳第六十九下

高詡 包咸 魏應 伏恭 任末 景鸞 薛漢 杜撫 召馴 楊仁

趙曄 衛宏 董鈞 丁恭 周澤 孫堪 鍾興 甄宇 樓望 程曾

張玄 李育 何休 服虔 穎容 謝該 許慎 蔡玄

是爲毛詩。

徐堅曰。荀卿授魯國毛亨。作詁訓傳。以授趙國毛萇。時人謂亨爲大毛公。萇爲小毛公。

拜大司農。

東觀記曰。詡以文學徵拜大司農。在朝以清白方正稱。

包咸。

孫愜曰。包姓。楚大夫申包胥之後。

受業長安。

謝承書曰。咸受業長安。王莽末。嘗負笈追師。